



Inatsisartunut ilaasortaq Knud Fleischer,  
Kattusseqatigiit

**Inatsisartut suleriaasianni § 37 naapertorlugu apeqquteqaammut 166-imut akissuteqaat.**

Asasara Knud,

Inatsisartut suleriaasianni § 37, imm. 1 innersuullugu Naalakkersuisunut makku apeqqutigivatit:

**Apeqqut 1: Atuakkat ilinniutit tamanut internet-si atorlungu aaneqarsinnaasunngorlungit saqqummersinneqarsinnaaneri naalakkersuisut qanoq isumaqarfingivaat?**

**Akissut:** Atuakkat ilinniutit tamanut internet atorlugu aaneqarsinnaasunngorlungit saqqummersinneqarsinnaanissaannut, taamaalillutillu inunnit amerlanerusunik atorneqarsinnaalernissaannik isummamut Naalakkersuisut akuersaartumik pisesuseqarfiginnipput.

Taamaattorli pingaaruteqarpoq maluginiassallugu, taamatut digitalinngorlugit saqqummersinneqarnerini atuakkanik piginnittussaasut ataqqillugit pineqassammata.

Tassunga atatillugu maluginiaqquneqarpoq saqqummiusseriaatsinut tamanut atatillugu akuersissummik peqqaartoqartariaqarmat.

Ima isumaqarpoq, ilinniutinik atuakkiortoq akuersitillugu atuagaq atorneqarsinnaasunngortinneqarpat, assersuutigalugu atuakkanik atorniartarfimmi, taava atuakkanik atorniartarik pisinnaatitaanngilaq, atuakkap digitalinngortillugu aaneqarsinnaasunngortinnissaanut, aatsaalli taamaaliortoqarsinnaalluni taama saqqummiussinissaq ilanngullugu isumaqatigiissutigineqarsimappat. Tassunga atatillugu piginnittussaarnermut inatsimmi Kalaallit Nunaanni atuuttumi § 16-imi takuneqarsinnaavoq, suliat digitalinngorlugit ilinniartitsinermi atorneqartussatut atukkiunneqarsinnaasut ingerlatsisutut oqartussaasoq isumaqatigiissuteqarfigalugu. Tamatuma saniatigut atuakkat digitalinngortinneqarsinnaapput, piginnittussaaneq atorunnaarsimappat, imaappoq atuakkamik piginnittussaasup toquneraniit ukiut 70-it sinnerlugit qaangiussimappata.

10. juli 2012  
Sagsnr. SJ-STD-NAOL  
Dok. Nr. 958370

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [lin@nanoq.gl](mailto:lin@nanoq.gl)  
[www.nanoq.gl](http://www.nanoq.gl)

Aamma Namminersorlutik Oqartussat CopyDan-illu akornanni isumaqatigiissuteqarpoq ilinniutinik assiliisarneq (kopeerisarneq) pillugu. Isumaqatigiissutip pingaarnertigut nasataraa, suliat 20 %-ii tikillugit ilinniutitut atornissaat siunertaralugu kopeerineqarsinnaammata.

Ilanngullugu oqaatigineqarsinnaavoq, isumaqatigiissutip atuuttup nutarterneqarnissaanut atatillugu, digitalinnguilluni tamanut saqqummiussisinnaanissaq pillugu apeqqutip ilanngunneqarnissaa periarfissaqassamat.

2012-imi upernaakkut Ilnniusiorfik, Inerisaaviup ataaniittoq, Savalimmiuni atuarfimmi atortussanik saqqummiisarfik NAM aalajangersimasumik siunertaqarluni suleqatigilerpaa, atuarfimmi atortussiaatit sapinngisamik amerlasuut digitalinngorneqarnissaat anguniarlugu (ilaatigut Danmarkimi taamatut saqqummiisartut ilaat peqatigalugu).

Tamatuma kingorna paasiniakkanut ilaasaaq atuakkiap/atortussiap ilaa qanoq angitigisukkaarlugu internet-imut inissinneqartarsinnaanersoq, kialluunniit atuerusulluni soqutiginnittup atuakkaq imaa ilinniutitullu siunertariunnagaa takusinnaanniassammagu.

Ullumikkut innuttaasut kikkulluunniit ilinniutinik pisisinnaapput, meeqqat atuarfiilu akeqanngitsumik nassinneqartarlutik.

## **Apeqqut 2: Taamaaliortoqassappat nunatta karsia qanoq aningaasartuuteqassan-gatinneqarpa?**

**Akissut:** Ilnniarfii arlaqartut COPYDAN-ip isumaqatigiissutaanut ilaatinneqarput, taanalu malillugu ilinniartitsisut qupperneq 20-t tikillugit kopeersinnaavaat, taamaattorli annerpaamik suliap 20%-ia scannerlugu imaluunniit kopeerlugu "intranet"-imut inissinnaallugu, tassa attaveqarfiit matoqqasut, inuit ikittuinnaat, amerlanertigut ilinniarfimmi ilinniartitsisut ilinniartullu kisimik iserfigisinnaasaat. Ilimagineqarporli siunissami COPYDAN-imik isumaqatigiissutit annertunerusunik pisinnaatitsiumaartut.

Taamaattumik ilimagisariaqarpoq kikkunilluunniit atorneqarsinnaanngorlugit saqqummiussineq, akilerneqaqqulluni piumasaqaatinik mikigisassaangitsunik nassataqassasooq

Ilnniusiorfiup saqqummersitai aamma atuakkiortunit pigineqarput, taamaattumillu soorlu atuakkaq 500-t, tamakkerlugit 800-sunit, 10-25 %-iinnaalluunniit digitalinngorlugit internet-imut iliorartuugunik, naatsorsuutigineqassaaq taamaaliornermut aningaasartuutissat 2,5 mio. aamma 3 mio. kr akornanniissasut.

Iliniusiorfik pilersaaruteqanngilaq atortussianik tamakkiisumik digitalingortitsinissamik, imaappoq qulequttat 500-t tamaasa 100 %-imik digitalinngportinniarlugit, tamannami akisoorujussuannorsinnaavoq, kisianni Iliniusiorfiup periutsit naleqqunnerusut misis-sortuarlugillu misiligartuarumavai.

Inussiarnersumik inuulluaqqusilluta  
Med venlig hilsen



Palle Christiansen